

四庫全書存目叢書編纂委員會編

齊魯書社

四庫全書存目叢書

四庫全書存目叢書編纂委員會編

四庫全書存目叢書

史部
第二三二冊



齊魯書社

責任編輯：孫言誠 賀·偉

ISBN 7-5333-0535-3



9 787533 305352 >

ZB94/02

四庫全書存目叢書·史部二三二

(大陸版·限中國大陸發行)

四庫全書存目叢書編纂委員會編

齊魯書社出版發行

(濟南經九路勝利大街)

廣東精裝印務有限公司印製

787×1092 毫米 16 開本 46.125 印張

1996 年 8 月第 1 版 1996 年 8 月第 1 次印刷

印數 1-100

ISBN 7-5333-0535-3

Z·37 史部定價：87600 圓

數字化學習
PDG

史部第二三二冊目次

史部·地理類

嵩書二十二卷(原缺卷十七)(二)

〔明〕傅梅撰
故宮博物院圖書館藏明萬曆刻本

一

華嶽全集十三卷

〔明〕張維新撰 馮嘉會續撰
天津圖書館藏明萬曆刻本

一八三

九疑山志八卷

〔明〕蔣鑛撰
首都圖書館藏明萬曆四十八年刻本

四一五

羅浮野乘六卷

〔明〕韓晃撰
上海圖書館藏清康熙刻本

四七四

泰山紀事三卷

〔明〕宋濂撰
北京圖書館藏明萬曆刻本

五八一

天台山方外志三十卷(一)

〔明〕釋無盡撰
首都圖書館藏明萬曆幽溪講堂刻本

六三四

嵩書二十二卷（原缺卷十

七）（二）

〔明〕傅梅撰

故宮博物院圖書館藏明萬曆刻本

附《四庫全書總目·嵩書二十

二卷》提要

嵩書卷之十四

韻始篇三

宋

五言古詩

河陽秋夕夢與永叔遊嵩避雨于峻極院賦詩
及覺猶能憶記俄而僕夫自洛來云永叔諸君
陪希濬祠岳因足成短韻

梅堯臣

郎官員外

夕寢北窗下青山夢與尋相歡不異昔勝事却疑今
風雨幽林靜雲煙古寺淡

此二句攬衣方有感還喜

嵩書

卷十四

韻始三

問來音

希濬惠書言與師魯永叔子聰幾道遊嵩因誦
而韻之

梅堯臣

聞君奉宸詔瑞祝趨靈岫山水聊得遊志願庶可就
豈無朋從俱況此二三秀方辭建春陌十刻殘晝漏
初經緱氏嶺古栢尚鬱茂却過轅轅關巨石相撐闢
夕齋禮神祠法袞被藻繡畢事登山椒常服更短後
從者十數人輕齋不為陋是時天清陰力氣勇奔驟
雲巖香虧蔽花草藏澗竇傍林有珍禽驚聒若避殼

磐石暫憩休泓泉助吞漱上窺王女窻嘶絕非可構
下玩搗衣碓焜燿金紋透尹子體雄矯攀緣逾習狃
歐陽稱壯齡疲軟屢顛踣競歡相扶持芒屨資踐蹂
八仙存故壇三醉孰云謬跡哉封祀碑數千昔鐫鏤
偶誌一時事曷虞來者詬絕頂瞰諸峰隘然輕宇宙
遙思謝塵煩欲知羣鳥獸韓公傳石室聞之固已舊
當時興稍衰不暇苦尋究東崖亂壑中釋子持經咒
千今二十年飲食同猿狖君子聆法音充爾溢膚腠
嘗期躡屐過吾儕色先愀遂垂真諦言茲亦甘自咎
嵩書

卷十四

韻始三

中頂會幾望涼蟾皓如畫紛紛坐談譔草草具觴豆
清露濕巾裳誰人苦羸瘦便即忘形骸胡為戀纓綬
或疑桂宮近斯語豈在督歸來遊少室嶠崿殊引脰
石堂迢遞過探訪仍邂逅捫蘿上岑遂仙屋何廣袤
乳水出其間涓涓自成溜凡骨此薰蒸靈真安可觀
霞壁幾千尋四字侔篆籀咸意苔蘚文誠為造化授
標之神清洞民俗未嘗邁忽覺風雨冥無能久瞻扣
忽忽遂宵征勝事皆可復俚歌縱喧譁怪說多駁糅
凌晨開塞陽追賞顏匪厚窮極四百里寧憚疲左右

昨朝書報予聞甚醉醇醉所嗟遊遠方心焉倍如疚

天封觀

梅堯臣

車馬雲外來衣沾半山雨弭節扣真居捫蘿笑塵矩
迴溪響石松靈茹抽巖塢玉檻刻年華應無媿前古

啓母石

梅堯臣

曠哉嵩室陽神怪所棲宅蒼石不知年靈熊去無迹
煙巖起桂宮苔壁疑椒掖不學舜娥悲瀟湘竹枝碧

少姨廟

梅堯臣

雲祠古殿淡少室群峰碧行雨欲隨車望巖非化石

嵩書

卷十四

韻始三

常聞蘭氣蒸誰奠椒香液寄謝洛川妃凌波定何益

轅轅道

梅堯臣

險絕稱漢關晨躋瞻二室盤紆石路回迤邐雲峰出
古壁挂青蒼天風起蕭颼洛城西首時望望平煙密

公路澗

此下十二題范歐
二公俱有作

梅堯臣

我來袁公溪斷岸猶殘壘僵柳遠臨灣新蒲初出水
行行古臺近兩兩驚禽起雞犬何處聞人家淡塢裏

拜馬澗

梅堯臣

王子昔凌霓國人茲拜馬依稀月夜笙聲入寒泉瀉

梅堯臣

度嶺失群山千峰出天際方欣左右看屢改繁迴勢
勝事與誰同芬然有蘭蕙

自峻極中院步登太室中峰

梅堯臣

稅駕綠巖前攀蘿不知倦人從樹杪來路向雲端轉
忽覺在煙霞回看峰嶺變

王女窻

梅堯臣

萬壽

卷十四

四
穀
始
三

王洞倚雲壁大窻露微明
驂鸞去不返啼鳥空相驚
萬木自虧蔽捫蘿空復情

玉女搗衣石

梅堯臣

有石稱搗衣搗衣人不見雲纓白飄飄巖樹長蔥蒨
猶應寒夜中山月來鋪練

天門

梅堯臣

古壁何蒼蒼穿雲玉梯出欸然起青冥却立觀少室
前崑復後峰陰晴狀非一

天門泉

梅堯臣

泠泠雲外泉的的巖光入靜若仙鑑開寒疑王龍蟄
時應下鹿群印跡青苔濕

天池

梅堯臣

安知最高頂清淺水池開有時片雲出倏忽生風雷
誰羨雙黃鵠刷羽來徘徊

三醉石

梅堯臣

相期物外遊共醉仙臺石舉手薄高穹清風生羽翼
都忘塵世煩笑傲聊爲適

登太室中峰

梅堯臣

高書

卷十四

五
韻始三

日夕望蒼崖嶄嶄在天外及來步其巔下見河如帶
半壁雲霧昏山根已滂沛

峻極寺

梅堯臣

山高路已窮，
條爾逢蘭若。
落日老僧閒，
支頤古松下。
緩步入禪庭，
蒼苔但瀟灑。

公路潤

范仲淹

嵩山發靈源北望洛陽注清流引河漢白氣橫雲霧
英雄昔此地百萬曾相拒近代無戰爭常人自來去

拜馬澗

范仲淹

傳聞王子仙澗邊遺逸驥當時青雲路雞犬亦可致
未必真龍媒悠然在平地

二室道

范仲淹

太室何森然少室欲飛動相對起雲霞恍如遊仙夢
何以寵此行行歌降神頌

自峻極中院步登太室中峰

范仲淹

白雲隨人來翩翩疾如馬洪崖與浮丘襟袂安足把
不來峻極遊何能小天下

嵩書

卷十四

六

韻始三

王女窻

范仲淹

窈窕王女窻想像王女粧皎皎月為鑑飄飄霓作裳
莫學陽臺夢無端惑楚王

王女搗衣石

范仲淹

但見巖前砧誰聞月下杵金文與鐵色璨璨知千古
試問搗衣仙何如補天女

天門

范仲淹

天遊絕境遊熙然揖灝氣下顧蒼蒼間雲雷走平地
天威不遠人孰欺欺天意

天門泉

范仲淹

天門有靈泉塵埃未嘗至日月自高照雲霞亦輝媚
惟抱夷齊心飲之可無媿

天池

范仲淹

嶽頂見仙池神異安可度勿謂無波濤雲雷有時惡
乘此澄清間吾纓亦可濯

三醉石

范仲淹

巍巍八仙壇上有三醉石憐此高陽徒如樂華胥域
憔悴澤邊人獨醒良可惜

嵩書

卷十四

七

韻始三

登太室中峰

范仲淹

嵩山最高處逸客徧登臨回看日月影正得天地心
念此非常遊千載一披襟

峻極寺

范仲淹

徘徊峻極寺清意滿煙霞好風從天來吹落桂樹花
高高人物外猶屬梵王家

公路澗

歐陽修太子少保文忠

驅馬渡寒流斷澗橫荒堡槎危欲敵岸花落多依草
擊波翫游鯨倒影看飛鳥留連愛芳杜漸下四峰照

拜馬澗

歐陽修

昔聞王子晉把袂浮丘仙金駿于此墮吹笙不復還
玉蹄無跡久澗草但荒煙

二室道

歐陽修

二室對岩巖群峰聳峭直雲隨高下起路轉參差碧
春曉桂叢淡日下山煙白芝英已可如悠然想泉石
自峻極中院步登太室中峰

歐陽修

繫馬青松陰躡屐蒼崖路驚鳥動林花空山答人語
嵩書

卷十四

八
前始三

雲霞不可攬直入冥冥霧

王女窻

歐陽修

王女不可邀蒼崖鬱岩直石乳滴空竇仰見沈寥碧
徙倚難久留桂樹含春色

王女搗衣石

歐陽修

王女搗仙衣夜下青松嶺山澗風露寒月杵遙相應
靈蹤杳何尋片石秋光瑩

天門

歐陽修

石徑方盤紆雙峰忽中斷呀豁青冥間畜泄煙雲亂

杉蘿試舉手自可階天漢

天門泉

歐陽修

煙霞天門澗靈泉吐巖側雲濕顚氣寒石老林腹碧
長松暫休坐一酌煩心滌

天池

歐陽修

高步登天池靈源湛然吐俯窺不可見淵默神龍護
靜夜天籟寒宿客疑風雨

三醉石

歐陽修

拂石登古壇曠懷聊共醉雲霞半酣樂忽在千峰外
嵩書

卷十四

九
前始三

坐久還自醒日落松聲起

登太室中峰

歐陽修

望望不可到行行何屈盤一逕林杪出千巖雲下看
煙嵐半明滅落照在峰端

峻極寺

歐陽修

路入石門見蒼蒼澗靄間雲生石砌潤木老天風寒
客來依晚照徙倚聽山蟬

箕山

歐陽修

朝下黃蘆坂夕望箕山雲緬懷巢上客想彼巖中人

弱歲慕高節壯年嬰世紛漱流羨潁水振衣嗟洛塵
空祠亂驚鳥山木含餘曠聊茲謝芝桂歸月及新春

潁大夫廟

蘇軾團練副使贈太師諡文忠

人情難強回天性可微感世人爭曲直苦語費搔撼

大夫言何柔暴主意自慙荒祠傍孤塚古隧有殘坎
千年惟茅焦世亦貴其膽不解此微言脫衣徒勇敢

登封縣宇觀少室

邵雍處士謚康節先生

天地始融結此山已高極群峰擁旌幢巨石羅劒戟
日出崖先紅雨餘嵐更碧安知無神仙其間久遯跡

嵩書

卷十四

十

韻如三

七言古詩

贈許道人

歐陽修

洛城三月亂鶯飛潁陽山中花發時往來車馬遊山
客貪看山花踏山石紫雲仙洞鎖雲濛洞中有人人
不識飄飄許子旌陽後道骨仙風本仙胄多年洗耳
避世喧獨臥山巖聽山溜至人無心不算心無心自
得無窮壽忽來顧我何殷勤笑我白髮老紅塵子歸
為築巖前室待我明年乞得身

送龍茶與許道人

歐陽修

潁陽道士青霞客來似浮雲去無蹟夜朝北斗太虛
壇不道姓名人不識我有龍團古蒼壁九龍泉湊一
百尺憑君汲井試烹之不是人間香味色

戲石堂山隱者

歐陽修

石堂仙室紫雲濛潁陽真人此算心真人一去升寥
廓歲歲巖花自開落我昔曾為洛陽客偶向巖前坐
盤石四字丹書萬仞崖神清之洞鎖樓臺雲濛路絕
無人到鸞鶴今應待我來

五言律詩

嵩書

卷十四

土

韻如三

石淙

王贊揚州司副使知

磴道山巖下茅楹竹樹中溪潭魚可見攢石路纔通
坐聽潺湲碧縣思爛漫紅平生丘壑志覽此興何窮
寄嵩嶽吉上人

李若谷太子少傅謚康靖

結菴嵩少溪高道恐難倫苦海好求寶天花莫著身
一心俱已了五字更應新誰謂孤雲跡名曾達紫宸
天后三陽故宮石淙懷古

張仲武西京轉運使

二室盤遊日三陽宴喜心分流來萬壑巨石擬千岑
玉殿煙蕪在金碑雨蘚侵翠華何處問山水自清音

緱氏縣二首

歐陽修

亭後徹郊畿人家嶺坂西青山臨古縣綠竹遶寒溪
道上行收穗桑間晚漑畦東皋有溪趣便擬卜幽棲

其二

秋色滿郊原人行禾黍間雉飛橫斷澗燒響入空山
野水蒼煙起平林夕鳥還嵩嵐久不見寒碧更孱顏

過少林輒書四韻兼貽慶長老

王彥輔承議郎

天入千岳碧林收萬古春靜中淡有境嶮外絕無鄰

嵩書

卷十四

十三 訖如三

宦牒嬰行色禪關脫世塵安心無覓處斷背為何人

七言律詩

呈大德禪師有序

尹輔大理司直守登封令

大德偃卧林泉固求聞達蓋以道行久著聲華自

高故得丹詔遠臨紫衣就降信有光于法侶足以

榮彼僧門輔方捐道風備嘗真味喜觀殊命形諸

詠言謹錄咨呈幸希采覽

支遁行藏惠遠才幾年嵩少避浮埃八行丹詔雲間

落一對紫衣天上來誦律夜窻寒月皎閉門秋渚白

蓮開名高自達君王聽就降殊恩不假媒

宿少林寺

文彥博太師諡忠烈

六六仙峰繞佛居俗塵至此暫銷除西來未悟禪師

意北去還馳使者車移守北都五品封槐今尚在九

年面壁昔何如心知一宿猶難覺花藏重尋貝葉書

登嵩頂

邵雍

九州環遶若棋枰萬歲峰高看太平四海有人能統

御中原何復有交爭長覺眼見茲雄輩但願身為堯

舜氓五十三年蕪沒事如今方許看春耕

嵩書

卷十四

十三

訖如三

和登封裴寺丞翰見寄

邵雍

陋巷簞瓢世所傳予何人斯恥蕭然既知富貴須由

命難把升沈更問天靜默有成功野性騫驤無路學

時賢紛華出入金門者應笑溪翁治石田

依韻謝登封劉李裴三君見約遊山

邵雍

諸公見約往嵩前重走新詩各一篇擺落塵埃非敢

後訪尋雲水奈輸先三陽宮近叢幽石萬歲峰高羃

紫煙多少勝遊俱未到願陪仙躅共攀緣

五言絕句

閒適吟

邵雍

春看洛城花秋翫天津月夏披嵩岑風冬賞龍山雪

七言絕句

遊嵩山

程頤崇政殿說書

鞭羸百里遠來遊數日陰雲暝不收遮斷好山教不去如何天意異人謀

山中寄登封令

邵雍

初離縣日謀經宿既到山中未忍迴公宇若無民事

嵩書

卷十四

十四 開始三

決願攜茶器上山來

和人留題張相公菴

邵雍

做了三公更引年人間福德合居先結茅未盡忘君處正在嵩高萬歲前

和任司封見寄

邵雍

辭麾來此住雲霄聞健登臨肯憚勞紫陌事多都不見家山園邊是嵩高

嵩山二十四詠并序

樓昇登封令

僕性嗜山水幾成癖所至雖假館僦舍莫不聚拳

石環斗池終日玩觀殆忘寢食一旦來令嵩陽正

在清泉白石窟中始至以邑事未果後數月稍稍

偷息今則訟庭閑戶幾可羅雀乃芟廢圃鑿芙蓉

菡萏二池取餘土築臺高可丈許名之揖仙北面

嵩嶽西顧少室南望許由自餘諸峰環擁軒檻於

是居高遠眺盡山川之形勢暇日既作三十六峰

賦以自廣然僕舊聞嵩山二十四峰圖經傳記所

不載求之士人亦莫知也一日觀明太師李得柔

勝之自京師來訪乃得其名出道藏吳天師靈跡

嵩書

卷十四

十五 開始三

記歷東而西一一可指遂命畫史圖諸峰于仰嵩

堂以證其名以求其名僕謂勝之曰二十四峰之

名埋沒久矣今自吾二人者發之不可無述也乃

作嵩山二十四詠並命勝之作焉

青童峰

斬新高髻掠雲開翠色羅衣一樣裁知有真仙此中住故令天女捧書來

黃蓋峰

一片黃雲駐不飛中天帝子欲何知不須更問玉人

事自有萬高峻極詩

浮丘峰

誰知方丈與瀛洲塵世紛紛漫白頭不到萬山最高處世人容易揖浮丘

三鶴峰

昔有仙翁住此間煉成青髮與朱顏一朝跨鶴參天去澗草茁花豈復攀

遇聖峰

漢家天子學神仙曾遇真人耳過肩不待菖蒲長黑髮須知逸樂自延年

萬書

卷十四

十六 龍始三

萬歲峰

仙仗西來感百神泥金檢玉尚清新山靈知是真天子萬歲聲中第一人

玉鏡峰

皎皎冰盤瑩百圍廣寒宮殿見依稀春山萬疊渾如洗浮翠光中一鏡飛

獅子峰

蒼苔藤蔓飾鬚眉獅子標形是與非果解嚙呻作哮

吼窟中孤兔定魂飛

虎頭峰

萬里封侯相不如道人曾此獲陰符軒牙露舌驚樵采猛士還當捋爾鬚

起雲峰

觸石孤飛一葉蓬雷公電母畫鞭龍但知四海為霖雨不道中天第幾峰

鳳凰峰

當年翔鳳此徘徊曾為真人覽德來今日飛鳴天外

萬書

卷十四

十七

龍始三

過紛紛燕雀不須猜

金壺峰

相見金壺寫墨河皂林餘潤鬱嵯峨伯陽當日傳經後肯向山陰與換鵝

華蓋峰

華蓋峰高未易窮捫參歷井到天中回頭却顧人間世但見群青似小童

玄龜峰

玄武名峰古所傳晨昏吐氣作雲煙雖無鑽灼剗腸

患歲晚風霜亦可憐

臥龍峰

頭角低回薜蔓封蜿蜒端似臥真龍旱乾歲禱多靈應時見油雲出此峰

會仙峰

鶴乘雲輶下九天玉盤星子竟誰先想應漢武題花品留作人間聚八仙

子晉峰

當年曾悟鏡中形道骨仙風擬紫冥二十四峰明月夜玉笙須向揖仙聽

嵩書

卷十四

六

韻始三

王柱峰

丹楹未羨人間侈玉柱一峰天外高自古大材須大用扶持廣廈豈辭勞

老翁峰

翳霧埋雲皓首翁難將書傳考前蹤商山羽翼朝家後化作中天一石峰

王人峰

漢武求仙未得仙王人何事落巖前故知帝主乘雲

下神蓋峰頭啓洞天

主女峰

玉仙曾此駐雲車日薄窗紗映雪膚七字天書人不辨定知玄女手中符

獨秀峰或云金蘭峯

孕玉懷金不待媒翦然佳氣罩崔嵬天教秀拔諸峰上未信狂飈解折摧

積翠峰

翠幄籠雲自一家羅梯夜碾七香車舉頭雨過餘霞散綠芰池開菡萏花

嵩書

卷十四

十九

韻始三

太白峰

仰攀日月風雲近俯瞰岡巒培塿低絕頂光芒長不斷人言太白此中棲

宋四明樓昇建中靖國初今登封志稱其有惠政而不詳其狀今觀其詩若賦固非俗吏輩也惟是按籍求所謂芙蓉菖二池及揖仙臺仰嵩堂盡皆化為烏有矣至序引李得柔勝之想亦韻人而其詩復久逸不可見五百餘年予為樓君之新令

尹神交精合若將寤寐遇之所可彷彿遺躅百一者僅此殘碑斷簡耳千古風流不絕如綫後之視今亦猶今之視昔也可勝歎哉可勝歎哉

穎考叔

王十朋太子詹事謚文忠

衣冠肉食謾紛紛誰解杯羹感悟君穎谷封人雖賤士却能純孝至今聞

外方長曰宋都汴以洛為西京嵩介乎其間崇福宮祠在此山下計當時搢紳軒車至止者接踵矣而題詠不少概見何哉予披舊簡尋遺碣稍汰其

嵩書

卷十四

三
嵩始三

不雅馴者得若干篇止耳中有不能盡汰者詩以人重故也噫安得盡搜一代之全集而進退之哉

金

四言古詩

李道人嵩陽歸隱圖

麻九疇應奉翰林文字

城郭維崇井里維通冠蓋維錯綺維聚云誰之子招子歸嵩舍我箏筑樂彼潺湲食彼瓦缶遺我鼎鐘云誰之子繪子歸嵩離人友鹿避俗朋松石嚙我足泉癭我隴吾恐時人笑子歸嵩有山有恠有

水有龍盜出寇沒嘯兇咻能吾恐狂人誰子歸嵩

子謂我言決意歸嵩歸嵩何如如鴻避弋如鶴脫籠與幻俱化與化俱融是以歸嵩南山重重翠如植葱北山隆隆紺如堆銅仰嵩俛嵩雨濯雲烘嵩之為我我之為嵩我聞子言衣如張風心先去鳥層雲盪胸靜言思之富為目嵩貴為心蓬飾說于令詎知任公歸嵩良是生龜脫筒子不歸嵩送子歸嵩

五言古詩

宿少林寺

趙元武勝軍節度使

嵩書

卷十四

三
嵩始三

雙輪走雞棲下嶺分間道行行得精舍翠崦作迴抱諸峰知客來故故顏色好征衫滿塵土慙媿方丈老殷勤一辦香為我除熱惱世緣如落花籬網跡俱掃箇中有佳處行脚恨不早一菴祖師傍異日親結草

會善寺惟松

馮璧同知集慶軍節度使

嵩高地氣靈花木競妍秀玉峰西南趾有松獨恠陋偃蹇如蟠螭奮迅如攖獸葉勁鬚髯張皮古鱗甲皺菌蠢藤癭怒支離筇節瘦月上虬影搖風度雨聲驟子落慰枯禪枝樛礙飛馳盤根萬乘器平蓋千歲壽

樵斤幸免尋屨匠矧肯構龍化會有時天旱期汝救

雨後看竝王所控諸峰 馮璧

竝王如高人壁立九千仞一日不見之令人生鄙吝
春深木葉敷秀色益濡潤結茅寄僧藍晴碧時相赴
老宿詫孫峰隅侍到齟齬連延青一色枚數須諦認
溟濛空翠間我亦疑未信朝來雲氣昏埋沒瑜璣瑾
如蒼梧政愁湘妃鬱思舜重陰俄解駁靈澍夕暉襯
娟娟忽層出歷歷分遠近雲峰互吞吐千狀纔一瞬
出奇如孫吳相降如廉藺如衆星拱辰如侯伯入覲

嵩書

卷十四

三

韻始三

接武如朋簪承迎如价價負固如吳楚爭長如齊晉
恠詭如夷蠻駢羅貢琛賸窘蹙如擒獲係繫將就繫
如應龍神靈蟄臥時奮迅如天駟超軼坳牧稅羈勒
如雄對改容失筋駭疾震如猛士無譁攢槊侯嚴陣
獨兩峰巍然魁傑儼崇峻光輔岳柱天鬱爲中興鎮
降生申與甫周室僨復振詩傳配崧高百世磨不磷

王華山同元好問裕之

雷淵翰林修撰

洗耳頽川水療饑西山薇山川得佳客草木生光輝
末路風敎薄此道日已微相期千載事非君誰與歸

九日登少室絕頂同裕之 雷淵

閒居愛重九佳人重相過登高酬節物少室鬱嵯峨
迤邐謝塵土夷猶出煙蘿欵如據鰲頭萬壑俯蜂窩
浩浩跨積風瀾瀾渺長河日車昇紅輪天宇凝蒼波
指點數齊州如覺氛埃多我無倚天劍有淚空滂沱
驚鱗盼奧渚倦翼占危柯悔不與家來結茅老巖阿
歸途睠老阮廣武意如何

會善寺恠松

雷淵

物生自有常恠特物之病嗟嗟此老蒼恠恠生魁柄

嵩書

卷十四

三

韻始三

侏儒蹙髀股宿瘤擁腮頸蜿蜒蛟龍戲騰擲羆虎競
鬚髯喜張磔意氣怒狂迸匠石求棟楹節目足譏評
芻蕘急新標堅悍空盼瞪靜言觀倚伏未易相弔慶
雖違時世用顧免斤斧橫陽秋莫榮悴歲月何究竟
盤盤曲則全挺挺獨也正小草悞掃迹伏神還守性
儼隨天中景廣宇共麻映

箕山

元好問左司員外

幽林轉陰崖鳥道人跡絕許君棲隱地唯有太古雪
人間黃屋貴物外祇自潔尚厭一瓢喧重負寧所屑

降衷均義稟泊利忘智決得隴又望蜀有齊安用薛
干戈幾蠻觸宇宙日流血曾連蹈東海夷齊采薇巖
至今陽城山衡華兩丘垤古人不可作百念肝肺熱
浩歌北風前悠悠送孤月

同雷淵希顏再登箕山

元好問

千年箕山祠蘿徑淡以悄桂樹不復見禿叢餘秋篠
盤盤盡絕頂石冢平木杪長風萬里來筋骸覺輕矯
側身望巖竇解衣憩林表是時夏春交野色亂青縹
川光乍明滅地脉互縈繞罔密蟻垤出井邑蜂衙擾
紅塵洛陽昏白雲太行曉玄功信冥漠一覽疑可了
悟彼東山人胸中魯宜小

少林

元好問

雲林入清溪禪房坐蕭爽澄泉潔餘習高鳥喚長往
我無玄豹姿漫有紫霞想迴首山中雲靈芝日應長

純孝伯廟

元好問

洩洩潁谷雲融融潁川水封君去我久水雲自清美
人言君善諫微意得鄭子特于悔悟時一語發天理
大孝勒金石土苴及頑鄙反身而未誠善諫且敗矣

如何千載下乃與茅焦比我行潁水邊永念負甘旨
願作鯉與魴因之曰千里

緱山置酒

元好問

靈宮肅清曉細柏含古春人言王子喬鶴馭此日賓
白雲山蒼蒼平田木欣欣登高覽二化浩蕩融心神
西望洛陽城大路通平津行人細如蟻擾擾爭紅塵
蓬萊風島濛鬢毛日夜新殷勤一杯酒媿爾雲間人
七言古詩

題元裕之家山圖

趙元

繫舟盤盤連石嶺牧馬澄澄倒山影山光水氣相混
涵中有元家舊廬井鴈門一開豺虎場駕言投迹嵩
之陽青山偃蹇不可將十年竟墮兵塵黃東巖風物
知猶在說與寄菴神已會一揮淡墨能似之清輝遠
寄形骸外元家故山吾與鄰夢見不如圖畫真舊曾
行處聊經眼未得歸時亦可人

愛詩李道人若愚嵩陽歸隱圖

雷淵

我家崧前凡再期詩僧騷客相追隨春葩繽紛香澗